

一本堂行餘醫言

世下

痢

511  
22止





門武  
511  
22止



一本堂行餘醫言卷之二十二下

香川修德太冲父 著

痢

力至切  
音利

痢疾者。臍腹痛。大便膿血。裏急後重。頻併窘迫。日夜數十行。是也。其初水瀉一二行。或十餘行。續乃出腸垢。白粘如鼻涕。稀痰精汁。或如雞子白。如葛粉糊。如新出桃膠脂。而後出血。或膿。或膿血相雜。或下純血。或下瘀血。成片如雞肝。或腸垢中牽一條血絲。或五色雜下。或下黃糜汁。或

行餘醫言

痢

一

一本堂醫書



如豆汁。或腸垢色黃。或赤黑褐色。下物不一。不歷水瀉。直下膿血諸色者。亦間有之。其痛多在臍以下。旁及小腹。若中腕鳩尾痛。必是劇證。如有宿癥。則多是癥痛。須詳辨審察。痢痛與癥痛。施用方法。何謂裏急。曰腸內之氣下迫。奔逆。有屢屢欲後之意。謂之裏急。又曰內逼下迫。努力努責。素問云。少腹堅滿。裏急暴痛。至真要大論。又云。兩脇裏急。同上。又云。裏急支滿。五常政大論。又見八十一難傷寒論。何謂後重。曰內氣下走。欲出而肛門括縮閉固。不得輒出。

謂之後重。又曰下重。重下。

素問云。濕下重。六元正紀大論。足痿下重。至真要大論。按二書俱為下體重之義。非

後重之意。傷寒論云。熱利下重。又云。下利脉沈弦者。下重。又

云。泄利下重。又云。清便下重。又重下見外臺秘要。所引

文中備急  
古今錄驗

大便度數少者。自五。六行。及十二。三行。多者。或至二百餘。坐少者。或可畏。而多者。不必憂。何則。輕重不在行坐之多。少而在諸證之劇易。故度數多而輕者。以一二日間。急速



瀉盡滯瘀故也。重者由頻併窘困愈下愈急元氣不能接續也。又其度數少而重者以不能速泄毒氣沈滯增鬱蒸熱故也。輕者至淺不足言也。大略輕者腹痛微裏急後重亦微能食無熱脉沈緩重者腹痛甚裏急後重亦甚不能食身熱脉大數煩躁乾嘔或發噦或下如魚腦髓如塵腐色如屋漏水或下純血黑汁臭穢特甚此皆危證。又有毒氣劇甚下迫重墜則虛坐努力不可忍耐終至于大孔痛及脫肛如小兒痢最善脫肛由形肉柔軟也。凡要詳其

重生死之極則無他依能食與不食可以決其吉凶耳。故其不食者後世謂之禁口痢尤險證可畏也。古云惡痢毒痢未有過于此者矣。原夫痢疾在靈素謂之腸澼。

靈樞云春傷於風夏生後泄腸澼。論疾診尺篇素問云

下為飧泄久為腸澼。太陰陽明論又云腸澼下白沫何如曰

脉沈則生脉浮則死又云腸澼下膿血何如曰脉懸絕則死滑大則生又云腸澼便血何如曰身熱則死寒則生又云腸澼之屬身不熱脉不懸絕何如曰滑大者曰



生懸瀦者曰死已上通評又云腎脉小搏沈為腸澼下

血血温身熱者死心肝澼亦下血二藏同病者可治其

脉小沈瀦為腸澼其身熱者死肝脉小緩為腸澼易治

脾脉外鼓沈為腸澼久自已大奇論○又見陰陽別論

解篇○腸澼者以腸間澼積蒸鬱遂成此證故謂之腸

澼耳痔亦腸間澼積而成者故又曰腸澼為痔生氣通天論

其餘素靈諸篇與飧泄混言無別者亦多

八十一難謂之大瘕泄

八十一難云大瘕泄者裏急後重屢至圍而不能便莖

中痛莖字可疑恐又云大腸泄者食已窘迫大便色白

腸鳴切痛小腸泄者溲而便膿血少腹痛○此謂大腸

泄小腸泄者竟亦即是痢也耳分三泄則歧矣非矣

魏晉南北隋唐謂之滯下

孫思邈千金方王燾外臺祕要所引范汪方漢師方古

今錄驗等俱稱滯下且多與腸澼連言又外臺祕要立

重下門云病源此謂今赤白滯下也令人下部疼重故



曰重下去膿血如雞子白日夜數十行繞臍痛也

出第十七

卷中今考病源論無此條

張仲景特謂之下利但痢與泄瀉混說其本出於素問

傷寒論云小陰病下利便膿血者桃花湯主之○少陰

病二日至四五日腹痛小便不利下利不止便膿血

者桃花湯主之○少陰病下利便膿血者可刺○少陰

病下利咽痛胸滿心煩者猪膚湯主之○少陰病下利

脉微者與白通湯利不止厥逆無脉乾嘔煩者白通加

金匱方論  
無少陰病  
三字

猪膽汁湯主之服湯脉暴出者死微續者生○少陰病

二三日不已至四五日腹痛小便不利四肢沉重疼痛

自下利者此為有水氣其人或欬或小便利或下利或

嘔者真武湯主之○少陰病下利清穀裏寒外熱手足

厥逆脉微欲絕身反不惡寒其人面赤色或腹痛或乾

嘔或咽痛或利止脉不出者通脉四逆湯主之○少陰

病四逆其人或欬或悸或小便利或腹中痛或泄利

下重者四逆散主之○少陰病下利六七日欬而嘔渴



心煩不得眠者，猪苓湯主之。○少陰病下利，脈微澀，嘔而汗出，必數更衣，反少者，當溫其上，灸之。○傷寒先厥，後發熱，下利必自止，而反汗出，咽中痛者，其喉為痺，發熱無汗，而利必自止，若不止，必便膿血，便膿血者，其喉不痺。○傷寒發熱，下利，厥逆，躁不得臥者，死。○傷寒發熱，下利至甚，厥不止者，死。○發熱而厥，七日下利者，為難治。○大汗出，熱不去，內拘急，四肢疼，又下利，厥逆而惡寒者，四逆湯主之。○傷寒本自寒下，醫復吐下之，寒

金匱方論  
今作今下  
同  
復作脈

格更逆，吐下，若食入口即吐，乾薑黃連黃芩人參湯主之。○下利有微熱而渴，脈弱者，令自愈。○下利脈數，有微熱，汗出，令自愈。設復緊，為未解。○下利手足厥冷，無脈者，灸之不溫，若脈不還，反微喘者，死。○下利寸脈反浮數，尺中自濇者，必清膿血。○下利清穀，不可攻表，汗出必脹滿。○下利脈沈弦者，下重也。脈大者，為未止。脈微弱數者，為欲自止，雖發熱不死。○下利脈沈而遲，其人面少赤，身有微熱，下利清穀者，必鬱冒汗出而解，病



人必微厥所以然者其面戴湯下虛故也○下利脈數而渴者令自愈設不差必清膿血以有熱故也○下利後脈絕手足厥冷時脈還手足溫者生脈不還者死○傷寒下利日十餘行脈反實者死○下利清穀裏寒外熱汗出而厥者通脈四逆湯主之○熱利下重者白頭翁湯主之○下利欲飲水者以有熱故也白頭翁湯主之○下利腹脹滿身體疼痛者先溫其裏乃攻其表溫裏四逆湯攻表桂枝湯○下利譫語者有燥屎也宜

小承氣湯○下利後更煩按之心下濡者為虛煩也宜  
 梔子豉湯○傷寒脈浮而緩手足自溫者繫在太陰太  
 陰當發身黃若小便自利者不能發黃至七八日雖暴  
 煩下利日十餘行必自止以脾家實腐穢當去故也○  
 少陰病效而下利譫語者被火氣劫故也小便必難以  
 強責少陰汗也○少陰病脈緊至七八日自下利脈暴  
 微手足反溫脈緊反去者為欲解也雖煩下利必自愈  
 ○少陰病下利若利自止惡寒而踈臥手足溫者可治



○少陰病下利止而頭眩時時自冒者死○若脉數不解而下不止必協熱而使膿血也○陽明少陽合病必下利其脉不負者順也負者失也互相剋賊名為負也○下利脉反滑當有所去下之乃愈宜大承氣湯○下利差後至其年月日復發者以病不盡故也當下之宜大承氣湯○下利不欲食者以有宿食故也當下之宜大承氣湯○下利脉遲而滑者內實也利未欲止當下之宜大承氣湯○下利三部脉皆平按之心下鞭者急下之宜大承氣湯○下利三部脉皆平按之心下鞭者急

金匱方論  
日下有時  
字

下之宜大承氣湯○下利脉大者虛也以其強下之故也設脉浮革因爾腸鳴者屬當歸四逆湯主之○下利後身疼痛清便自調者急當救表宜桂枝湯發汗○下利後當便鞭鞭則能食者愈今反不能食到後經中頗能食復過一經能食過之一日當愈○傷寒其脉微澁者本是霍亂今是傷寒却四五日至陰經上轉入陰必利本嘔下利者不可治也○太陽與少陽合病自下利者與黃芩湯若嘔者黃芩加半夏生薑湯主之○傷寒



發熱汗出不解心中痞鞭嘔吐而下利者大柴胡湯主之。○傷寒服湯藥下利不止心中痞鞭服瀉心湯已復以他藥下之利不止醫以理中與之利益甚理中者理中焦此利在下焦赤石脂禹餘糧湯主之復利不止者當利其小便。○傷寒中風醫反下之其人下利日數十行穀不化腹中雷鳴心下痞鞭而滿乾嘔心煩不得安醫見心下痞謂病不盡復下之其痞益甚此非結熱但以胃中虛客氣上逆故使鞭也甘草瀉心湯主之。○傷

寒汗出解之後胃中不和心下痞鞭乾噎食臭脇下有水氣腹中雷鳴下利者生薑瀉心湯主之。○太陽中風下利嘔逆表解者乃可攻之。○太陽與陽明合病者必自下利葛根湯主之。○按素問云寒至則痛急下利之病生矣。六元正記大論○金匱方論云下利脉反弦發熱身汗者自愈。○下利氣者當利其小便。

後欲別字从疒曰疝痢又省疝字唯呼痢古今命名俱非極當故今姑從醫俗通稱直用痢字也盧和喻昌張介賓



俱失查考

丹溪纂要云仲景以瀉利滯下滾同論治故歷代諸書  
 或言滯下或言利或言瀉利命名定例甚無歸一○醫  
 門法律云痢疾在靈素謂之腸澼亦曰滯下○類經註  
 云腸澼一證即今之所謂痢疾也自仲景而後又謂之  
 滯下○素靈元不云滯下仲景亦未嘗言之謂滯下者  
 魏晉南北之間始言之耳三氏誤矣

而至其所以為患則古今無明說矣推究其所因皆由腸

中之鬱滯也蓋腸中鬱滯則蒸而生熱蒸熱久則嬌府易  
 糜爛而鬱熱腸中裏面外皮猶熱湯傷爛口裏軟皮也  
 腸中既蒸熱則津液粘成腸垢腸中裏面外皮爛傷破裂  
 血汁併出蒸甚則腐化成膿及變生諸色諸物譬如生瘡  
 癬其初擦破外皮則唯出粘黃汁繼乃出膿血也究竟痢  
 疾即是腸中之癰癘耳但腸中裏面外皮比之外面皮膚  
 嬌軟易破故飲食生冷則胃化難行直乃瀉下而掠拂腸  
 中裏面外皮隨觸輒破乃腸垢膿血續下此元乘于腸內



蒸鬱釀熱欲生事之時而然也。若夏秋暑邪及風寒邪氣感傷亦同前例。大概傷在腸之下際則輕。臍下小腹及腰痛是也。近于直腸則至輕。是證雖痢下日數十行而飲食如常。三四日後見塊糞如常也。傷在腸之上際則重。臍以上至鳩尾痛是也。近于胃則至重。即是禁口痢也。蓋爛傷在腸之上際而近于胃則其毒穢氣上薰胃中而胃內清純中和之氣為毒穢氣所侵犯。清氣惡穢氣自不得不發。嘔遂乃拒食。禁口胃元日餒命將難全。凡在上際之痢下

物多黃汁。即見由胃化不行也。下際之痢多常塊糞。即知胃中無妨故也。又有鬱滯蒸熱之久。釀毒至深。則不拘傷之上下。多成劇證。即痢下黑汁。五色注雜。惡臭至甚。腹痛嘔噦發熱煩躁者是也。其裏急者以腸鬱已發。急速下走。其下走之勢急疾。故致內屢迫促。直乃瀉下一行。而反後重者。肛門元氣未罷。驚覺括縮。不使重來。奔迫之氣輒下出去。故奔下之氣為肛門元氣所攔住。內外兩氣相爭。是以愈益裏急。後重譬如有力壯夫疾走排闥而出。守門監



者不能禦之。雖然監者驚悟，合門扇下門木堅守攔住。後來者欲出不能出，相爭喧闐。一般其勞責虛坐者，止由腹中下走之氣已甚，而非有物臨肛門。其所薄於肛門者，惟是下走之氣。氣本無形，故雖似欲出而實無所出，無所出而又似欲出，皆氣使之然耳。以其止虛登廁，實無所通，故稱虛坐。又以其用力勉強如責讓，譴怒之意，故稱勞責。努力即裏急之異稱也。若痢久努力不止，則肛門氣懨力疲，守踈備怠，不能括束。終至腸口自開，遺失不知，故痢久腸滑瀉下不止者，古喚為腸滑。

滑瀉下不止者古喚為腸滑

千金方及外臺祕要所引范汪方深師方集驗方等云此多由當初用瀉藥之所致。或以元氣疲弱痢久而腸力罷極而然也。及此時也不得行瀉腸固脫之策也。大凡視患痢疾者多在腸胃強厚元氣充實之人。故病初首行踈滌之法則鮮不瘥者矣。雖使形色瘦白之人亦患此疾則暗知其腸胃元氣尚有佳處。故吾門斷以病此疾者為元氣素厚之徵。激稱嘉事。此古今醫家未嘗經道之事。自



非詳察審考。切實體認。安能識得斯真乎。古人獨孫思邈能知是意。

千金方云。余立身以來。三遭熱痢。一經冷痢。皆日夜百餘行。乃至移床就廁。其困篤如此。但率意自治者。尋手皆愈。乃知此疾。天下易治。但中性之徒。率情驕倨。良藥苦口。不能克己。早餌。朝過暮過。望其自瘥。疾勢日增。胃氣漸弱。心力俱微。食飲與藥。皆不能進。既不時愈。便稱痢病難治。斯皆自誤也。學者須深達斯旨。

每見此疾。因誤治成重篤者。過半不亦可歎惜乎。已愆其時。而不可下。亦不可兜澁。莫可奈之。何終歸于命而止也。可憫哉。若夫調停兩可之手段。卽是鄉原之伎倆。豈可救其危耶。故此疾。首先用承氣湯下之。則無不瘥者。若首先踈滌。漸成重危。及初用不寒不熱之慢藥。毒氣恣盛。自至劇證者。皆難治。曾聞窮鄉僻村。無醫藥之所。患此疾者。唯喫熟煮爛粥。節減將息。自得全愈。此當有疾不治。常得中醫之言耳。又此疾多在夏秋之間。與瘧並行。故有疑于外。



邪間有造是言者。雖使因外邪。然而以其所受之地。本自元氣鬱滯。將欲生事故。外邪感動之耳。若非乘腸中鬱滯。蒸熱造釀。將欲生事之時。則邪氣生冷。何階能犯觸也。雖使傷之。亦不過為一時熱瀉耳。觀其被生冷邪氣傷瀉。下直即有膿血出者。乃可以見其有蒸熱將發之基矣。又有瘡痢兼患者。是證二疾俱多。輕證易治。又有一方一家。大小傳染痢下腹痛。所患相似者。此即後世所稱疫痢也。輕重無定。古謂之天行痢。

見病源侯論及外臺祕要所引范汪方。深師方。甲乙方。又有休息痢。一名休息下。又曰休息氣痢。

病源侯論云。休息痢者。胃腕有停飲。因痢積久。或冷氣。或熱氣乘之。氣動於飲。則飲動而腸虛受之。故為痢也。冷熱氣調。其飲則靜。而痢亦休也。腸胃虛弱。易為冷熱。其邪氣或動或靜。故其痢乍發乍止。謂之休息痢也。○  
外臺祕要所引肘後方。胡洽方同。又有備急文仲同證。今案肘後方無之。  
又引文仲葛氏若久下經時不愈者。此名為休息下。有



後備急同證○李時珍本草綱目  
縮沙仁主治引甄權云休息氣痢

此證始患輕痢多者十四五行少者三五行大便溏瀉或黃汁間有膿血無腹痛裏急後重有亦至微以腹痛毒氣不甚故不謹嚴加治養荏苒累日積月以至連年乍發乍止全愈甚難畢竟痢之壞證耳由其腸間滯垢隨生隨出習成熟路也又古人稱三十年久痢或云數十年久痢千金方云數十年痢下又云三十年注痢又云下赤連年外臺祕要所引崔氏方痢血數十年文仲方赤白痢五六年古今

錄驗

三十年寒下

廩丘公

云吾患痢三十餘年

胡洽方

數十年休息痢下

皆然

雖未可盡信亦不可謂決無也此乃希有之事故舉舊說以備考徵凡久痢多行之人腸力已憊元氣亦疲困自無勞責之勢便膿遺失則雖腹痛不可敢行疎條之法須慎保治在小兒則疳痢即此類

較字下疑有脫字

此謂後世所謂疳痢也非古之疳痢也蓋古稱疳痢者謂下部竅生惡瘡口裏亦生瘡者也詳見外臺祕要所引廣濟方云積年疳痢羸瘦面色痿黃必効方云痢初較後膿血或變純白或成魚腦五



十日以上或一二年不瘥變成疔所下如泔涎又云久痢變成疔下部竅生惡瘡惡寒壯熱羸瘦著牀欲死

古今錄驗云五疔蒸下痢近効方等

又如婦人姓中痢疾輕者不足言也若腹痛裏急後重俱甚則必多傷胎遂乃殞墮尤可畏也詳察證狀不可拘以有身反速害其母

本草綱目白楊條作孕痢

其他婦人小兒療無異方又此疾有傳染者蓋由同廁共禱則其臭穢之氣外觸而襲之自鼻口入染于胃腸內外

感注遂同患耳不唯此疾如勞瘵痘瘡亦然皆其熱臭惡穢之氣內外侵染而感注焉何疑之有此亦以其人有罅隙故招受之耳苟能慎飲食起居節養保護無罅可乘則何染注之有凡痢脉宜緩或沈若大或細數者危又身清涼者輕熱煩者重已見上素靈說又要知此疾在夏日盛行之時先病者多輕證至末秋夜涼之候患之者呼為晚發多有劇疾又此疾在冬春者間亦有之唯至少耳雖其時候寒熱大異而至于腸中之鬱滯則非有不同故治法



亦無別異。凡久痢後體氣疲弱則善作腫脹微者易治甚者難治宜早通滯水勿使泛濫。

陳治證治大還云凡痢身腫者邪氣發於外也易治腹中脹滿者邪氣攻裏也難治肚腹通身浮腫者脾憊也此說大非也凡痢後腫者皆不易治慎勿信之所惑也又痢後調攝不謹則漸變成勞瘵不可治也又痢後脚痛而漸漸瘦細者後成鶴膝痺當其脚痛未瘦細之時急加治以防之則可免矣若既成鶴膝痺不可治也後世謂之

痢風者濫也。證治要訣作風痢者益非也

李挺曰愈後餘瘀却當防恐成腫痛鶴膝風。醫學入門馮兆

張曰痢後脚漸細而軟弱名爲痢風不治而成鶴膝風

錦囊秘錄張璐曰痢後風因痢後不善調攝或多行或房勞

或感風寒或受濕氣致兩脚痿軟腫又曰痢後變成痛

風皆調攝失宜所致。醫通張說全剽竊證治要訣

若夫白爲冷赤爲熱固配當之謬說也。

病源候論云凡痢色青色白色黑並皆爲冷痢色黃色



赤並是熱也故痢色白食不消謂之寒中也外臺祕要  
所引肘後方云水下痢色白食不消者為寒下備急葛  
氏亦同又千金方云凡白痢屬冷赤痢屬熱

劉完素雖詳辯頗明亦一偏於熱也

原病式云或言下痢白為寒誤也若果為寒則不能消  
穀何由反化為膿也如熱生瘡瘍而出白膿者豈可以  
白為寒歟由其在皮膚之分屬肺金故色白也次在血  
脉之分屬心火故為血癖也是謂標也本則一出於熱

但分淺深而已大法下迫窘痛後重裏急小便赤澀皆  
屬燥熱而下痢白者必多有之然則為熱明矣假如下  
痢赤白俗言寒熱相兼其說猶誤豈知水火陰陽寒熱  
者猶權衡也一高則必一下一盛則必一衰豈能寒熱  
俱甚于腸胃而同為痢乎○張介賓曰若以愚見言之  
則赤中豈必無白白中豈必無赤赤白相兼者真寒熱  
同疾乎但其清濁微甚自有陰陽可辨耳雖赤痢亦有  
寒證然終是熱多白痢亦有熱證然終是寒多

出類  
經註  
此



假糝劉說而未說反益含糊究竟由拘泥赤白也何足  
 取乎○龔廷賢曰白痢為寒中世之謬論也劉守真氏  
 出始以白痢責之熱傷氣可謂開發群矇萬病回春此言可  
 謂愚中之一得矣○劉云白非寒之論則善矣猶且不  
 能免肺金心火皮膚血脉配當之陋習劉之才而不知  
 正學可惜哉而後世不惑白寒赤熱者劉之功為多  
 又白屬氣赤屬血亦拘泥矣

朱震亨曰痢赤屬血白屬氣赤痢乃自小腸來白痢乃

自大腸來皆濕熱為本丹溪心法附餘李梃曰火傷氣分則下

白火傷血分則為赤氣血俱傷則赤白相兼醫學入門○此

亦不免氣血赤白之配當况小腸大腸即心肺之變文

終是拘泥之見耳

設謂腸垢為白乎則猶可言矣然而古人所謂赤白謂膿

與血則不可誤認腸垢為膿漫言赤白也又謂膿為白乎

則猶可言矣然而血腐化成膿則氣分之傷反在血分傷

之後耶俱不可曉通也蓋赤也白也赤白也始白後赤也



始赤後白也。總非有所異也。以此作種種之鑿說者，皆不明之甚矣。如其紫黑豆汁腐臭穢物，即是惡候。直如赤白則此疾之常態耳。據此分寒熱屬氣血心、肺、小腸、大腸者，皆空論也。何益於治事乎？及脾傳腎、腎傳脾。

朱震亨曰：先水瀉而後膿血者，此脾傳腎，賊邪難愈；先膿血而後水瀉者，此腎傳脾，微邪易愈。丹溪心法附餘 ○凡始

水瀉而後膿血者，諸痢皆然，豈為皆賊邪難愈乎？此拘土剋水之妄說，漫作空論耳。自始直下膿血者，所甚少。

而先膿血而後水瀉者，至稀矣。妄泥殊甚。

痢屬腎

虞搏曰：古方以瀉痢滾同論治。朱紫混淆，殊不知瀉屬

脾而痢屬腎。醫學正傳 此又為朱震亨前說所誤，益濬入無

媒徑路者也。

專屬暑又暑濕為因

李挺醫學入門痢屬暑類，而又云：總因濕火氣血滯血，因火動濕多成瀉，有外感暑濕內傷酒麪炙博消燻，或



七情氣鬱而為火之實者有外感寒濕內傷生冷硬物  
 積滯或房慾損傷精血而為火之虛者皆令腸胃粘溢  
 久積成毒○普渡慈航云痢疾多因傷暑伏熱酒麪炙  
 煇醞釀而成○錦囊秘錄云夏秋泄瀉瘧痢同乎一源  
 多由暑濕傷脾所致飲食纔傷便作泄瀉為輕停滯既  
 久變成瘧痢為重而瘧與痢又有分別飲食為痰充乎  
 胸膈則為瘧飲食為積膠乎腸胃則為痢○後世醫說  
 緊皆同此意不暇悉舉

又痢有四種謂冷熱疴蟲

千金方云冷則白熱則赤疴則赤白相雜無復節度多

睡眼澁蟲則純痢瘀血○此亦拘泥

或云痢與滯下別

孫一奎曰或有問於余曰劉河間云仲景治痢多用承  
 氣但與滯下混同立論而無分別攻之諸方亦未見其  
 有分治者抑河間之說不足憑歟余曰前人畧之也經  
 雖無明文然顧名思義可知矣書曰夏傷於暑秋多瘧



痢痢者利也。通利之義，乃時症也。或從泄瀉而得，或從大便膿血，蓋秋令氣降，腹中穢積，因時下行而痢也。彼滯下者，滯是積滯之滯，不因時令，不由泄瀉而竟裏急後重，垢膩之物頻併而下也。豈可同日語哉？故滯下之症始得之多，用推陳致新，迎而奪之之法。至於治痢，有用補法者，有用澁法者，有燥濕者，有升提者，有消之者，有溫之者，有分利者，有下之者。然初時不敢遽以藥下之，因時制宜，必審其胃實積固，乃敢推蕩耳。余故云痢

者，兼令氣而言也。滯下者，四時皆有之，名既別，則治法當有徑庭矣。赤水玄珠此大謬中之尤妄者也。吁！醫人之點智者，敢鑿而遂至于盲聾矣。孫一奎即其首也。

又謂腸無血者，甚非也。人身何所無血？腸胃固有血，而其活物故神去，則隨散不知所之色，亦倏爾而變如始無之者，其謂無血者，觀死腸故也。

錦囊秘錄痔條云：腸胃本無血，而有下血者，大腸之病也。大腸何以病下血？邪以感之也。○此說大非也。如痢



疾血亦同夫大腸已非腸乎何為自相矛盾意彼所謂腸應是直腸而直腸亦是大腸之下頭則亦不可謂之非腸也其說竟不可通

以上醫書所論皆是懸空過鑿不足取信也恐為之所眩惑故今一一舉載辨正安誤大凡吾門就正之子弟宜拒之如揚墨而可也至其濫名如水穀痢

出病源候論又云久水穀痢○外臺祕要所引必効方崔氏方

文仲方同○又刪繁方集驗方古今錄驗作水穀下痢

赤白痢

同上又云久赤白痢○千金方及外臺祕要所引救急刪繁必

効近効崔氏文仲方等同○千金方及外臺祕要所引

深師方小品方等作赤白下

赤痢

同上又云久赤痢○千金方及外臺祕要所引集驗方必効

方崔氏方同○千金方又作赤滯下血

血痢



同上又云久血痢 ○千金方及外臺祕要所引廣濟方必劫

方古今錄驗同 ○千金方又稱純血痢許仁則方亦稱血痢

膿血痢。

同上又云久膿血痢 ○外臺祕要所引近劫方同又許仁則方

云膿血相和痢。

冷痢。

同上又云久冷痢 ○千金方及外臺祕要所引廣濟方延年

方近劫方文仲方深師方同又千金方近劫方又稱久冷痢

熱痢。

同上又云久熱痢 ○千金方及外臺祕要所引文仲方廣濟

方同又千金方及外臺祕要所引肘後方稱毒熱下 ○此元出傷寒論作熱痢

冷熱痢。

同上 ○外臺祕要立冷熱痢門引深師方刪繁方古今

錄驗近劫方崔氏方文仲方其文不完唯延年方獨全

白帶痢。

同上 ○千金方同外臺祕要所引古今錄驗作白帶下又外臺引千金方作赤帶下者非也



蠱注痢。

外臺秘要  
入作人

同上云此由歲時寒暑不調則有濕毒之氣傷人隨經

脉血氣漸至於藏府大腸虛者毒氣乘之毒氣挾熱與

血相搏則成血痢也毒氣侵食於藏府如病蠱注之家

痢血雜膿瘀黑有片如雞肝與血雜下是也外臺秘要  
引肘後療

若時歲蠱注毒下者古今錄驗  
療純痢血如鵝鴨肝并協蠱毒

腸蠱痢。

同上云腸蠱痢者冷熱之氣入在腸間先下赤後下白

連年不愈侵傷於藏府下血雜白如病蠱之狀名為腸

蠱也外臺秘要引肘後凡病下應先下白  
後下赤若先下赤後下白為腸蠱

魚腦痢。

同上云冷熱相交故赤白相雜重者狀如膿渾而血雜

之輕者白膿上有赤脉薄血狀如魚脂腦世謂之魚腦

痢也即赤白痢候條云○又見  
外臺秘要所引文仲方

胃風風下。

同上云又新食竟取風名為胃風其狀惡風頭多汗膈



下塞不通<sub>テ</sub>食飲不下<sub>セ</sub>腹滿形瘦腹大<sub>ニ</sub>失衣則臌滿<sub>ス</sub>食則

洞泄<sub>ス</sub>其洞泄者痢無度也<sub>出</sub>蓋似<sub>テ</sub>而非<sub>テ</sub>者也<sub>風</sub>下亦同

又云病寒之家其人常自患冷躡濕地若足踏凍地或

衣被薄皆發風下最惡何謂風下當風吹腰腹冷氣徹

裏而暴下者難治也<sub>在</sub>候條中

不伏水土痢

同上云夫四方之氣溫涼不同隨方嗜欲因以成性若

移其舊土多不習伏必因飲食以入腸胃腸胃不習便

為下痢故名不伏水土痢也即水穀痢是也<sub>此非真痢</sub>

蠱毒痢五痢泄清痢白赤痢滯下

見千金方

泄痢

同上<sub>又云</sub>久泄痢<sub>○按</sub>神農本草五色石脂雲實黃連

等條云洩痢腸澀膿血又黃芩藜蘆等云腸澀洩

瘕痢

同上<sub>○外臺祕要</sub>所引近効方同<sub>又必効方云</sub>冷瘕痢



疝濕痢。

同上○外臺祕要所引古今錄驗同。

渴痢。

同上○外臺祕要所引古今錄驗云熱渴痢。病源元有痢兼渴候。

赤白滯下。

同上○外臺祕要所引范汪方深師方同。

洞痢。

同上○又出千金翼方。

暴痢。

同上○又云卒下痢。外臺祕要所引古今錄驗云寒急下。

疰痢。

同上○外臺祕要所引深師方廩丘公方稱大疰痢。

久痢。

同上又云○外臺祕要所引小品方云下血連歲崔氏方云痢血數十年文仲方

云赤白痢五六年古今錄驗云三十年寒下廩丘公云下痢三十年○千金已云二十三年常下痢又云三十

年久痢又云三十年疰痢又云數十年痢下。



五色痢。

見外臺祕要所引張文仲方。

○病源候論云亦有不及成腫而五藏傷敗水血並

下而五藏五色隨之而出謂之五液俱下也凡如此者多死

青下白下。

同上文仲方。

按素問云下白即此也至真要大論

白痢。

同上引病源候論而病源有白滯痢無白痢條元出千

金方○又見必效方。

白膿痢。

同上引廣濟方延年方。又許仁則方云膿痢。

水痢。

同上所引廣濟方文仲方經心錄許仁則方同○又云

水下。

引肘後方備急方

又云久水痢。

引文仲方○本草綱目引孟詵云暴水痢。

穀痢。

同上所引許仁則方云。

腸澼痢。



同上許仁則方又神農本草乾薑條云腸澼下痢

積痢。

同上所引文仲方

寒下。

同上所引范汪方古今錄驗肘後方備急葛氏同引肘後方

云水下痢色白食不消者為寒下○按此元出素問六元正紀大論詳見泄瀉門中寒泄下

熱毒痢。

同上所引廣濟方文仲方○千金方古今錄驗

下○千金方又有蠱毒痢

注下赤白。

見素問六元正紀大論至真要大論同○又按至真要大論云注泄赤白又云少腹痛下沃赤白

洩澼。

出神農本草滑石條又殺羊角條云洩澼又見名醫別

錄赤石脂黃連等條

卒澼。

出名醫別錄赤小豆條又綠豆條



久洩癖。

見名醫別錄白鑞條。

赤下白下。

同上鼠尾草條。

濕毒腸癖。

見蘭室秘藏。

氣痢。

出仁齋直指。○按金匱方論有氣利字此後人所添也。

八種毒痢。

見和劑局方但無名目又云八痢又云五種下痢。

勞痢。

出證治要訣。云勞痢因痢久不愈耗損精血致腸胃虛空變生他證或五心發熱如勞之狀。

酒痢。

見本草綱目絲瓜條。引經驗良方酒痢便血腹痛或如魚腦五色者。

瘀血痢。

出丹溪纂要。



瘡痢。

見本草綱目楮葉條引楊炎南行方

蟻虫痢。

出醫宗必讀○赤水玄珠稱蟲痢

疫毒痢。

出赤水玄珠引大全良方○張璐醫通引周慎齋云有一方

長幼相染者謂之時疫痢

紅痢紅白痢。

見濟世全書

刮腸。

戴思恭曰諸病壞證久下膿血或如死猪肝色或五色

雜下頻出無禁有類於痢俗名刮腸此乃臟腑俱虛脾

氣欲絕故腸胃下脫若投痢藥則誤矣證治要訣又馮兆張

曰至有下毒氣侵胃是以飲食不化肛門寬大深黑可畏

腹肚疼痛裏急後重頻滴鮮血者名曰刮腸錦囊秘錄

瀉痢。



馮兆張曰：瀉痢、肚大、停積，而又下，飲食不為，肌膚氣臭，而大便閉澁。錦囊秘祿○此非痢疾，何得加痢名入此門乎？  
虛痢。

出景岳全書

風痢。

三因方云：病者因風停於膚腠，乘虛入腸胃，風動血，故便清血，或下瘀血，注下無度，名曰風利。古方以此為蠱痢，非也。又云：夫便血有腸痔、蠱毒、熱痢、酒痢、血枯、肺痿。

等別有門類，其如風痢，亦當在痢門，以純下清血，故附于此。便血後不可不知。

食積痢。

見濟世全書

遠年痢。

出祕方集驗

天行痢、疫痢、休息痢、休息下、休息氣痢、孕痢、禁口痢。禁一作禁  
俱見上。○按禁口痢，出百一選方。



皆是支離紛擾無益于治事。際不取用為是。

按外臺祕要所引許仁則云此病有數種有水痢有穀痢有血痢有膿痢有膿血相和痢者有腸澼痢者色數雖多其源則一皆緣飲食不節將息失宜也是言為稍知要領

朱震亨曰仲景治痢可溫者溫可下者下

丹溪心法附錄作仲景治痢

痢疾溫者五法可下者十法

或解表或利小便或待其自己區別

作還易治難治不治之證至為詳密然猶與滯下衣同

立方命論

猶以下作但與瀉同立論不

分學者當辨之○以下無其後劉河間分

別在表在裏挾風挾濕挾熱挾寒挾虛明著經絡提防

傳變大際發明滯下證治尤為切要

局方發揮

楊士瀛曰諸有積以肚熱纏痛推之諸有氣以狀如蟹

渤驗之究其受病之源決之對病之劑大要以散風邪

行滯氣開胃腕為先不可遠用肉豆蔻訶子白朮輩以

補住寒邪不可遠投罌粟殼龍骨牡蠣輩以開澀腸胃

邪氣得補而愈盛補之愈盛而愈作不為纏擾撮痛則



為裏急後重所以日夕淹延而未已也雖然風寒暑濕感之於外者也其有大嚼傷飽宿酒聚醯醢以成積滯房闈縱情加奔走勞役以耗精血此非病生於內者乎又明別內外而權度之則受病淺深用藥輕重知有定嚮矣母堅曰無積不成痢仁齋直指  
陳言曰經中所載有血溢血泄血便注下古方則有清膿血及泄下近世並為痢疾其實一也但以寒熱疴蟲分為四門未為至當且疴蝕瘡膿中蠱下血與利膿血

證狀大別疴蝕雖下赤白當在疴濕瘡門蠱利清血當在中毒蠱門今之滯下赤白者至多皆是冷熱相搏非于疴濕蝕瘡類下利清血亦多與中蠱毒者大異臨疴須詳不可道听治法差互立見天傷勉之勉之三因  
劉純曰按滯下之證古人多與泄瀉同論至三因方始能別立條目蓋實有不同諸方雖有寒熱虛實之論劉河間則以為一出於熱然攷之內經似亦熱多而寒少也我丹溪先生則以為亦有挾虛挾寒之證深戒學者



須宜識此世之局方不辨三因專用溫熱之藥其失甚矣至河間立說專用苦寒踈下之藥則亦未甚為當何則蓋病有虛實治有先後若病氣暴至元氣壯實積滯膠固須宜下之病久氣脫腸胃虛滑不禁者亦宜溫之瀉之大抵治痢當從仲景河間之法可溫則溫可下則下或解表或利小便或待其自已劉河間分別在表在裏挾風挾熱挾寒等證後之作者無越於斯玉機微義

徐春甫曰凡痢疾之證要審患人體氣厚薄曾無通瀉

寢恐浸字

及用攻積苦寒之藥多寡診其脉有力無力及正氣邪氣有餘不足對證施治未為弗効也今醫治痢峻用下劑及苦寒破滯太過鮮不以為後艱况年高與體弱者遂致元氣虛陷反不能支胃氣既虛其痢益甚有脉微陽氣下陷入陰中則脫血陣陣而下者醫尚謂為血痢不已仍用苦寒寢致脉絕四肢厥冷而死者曷可勝紀且今世人之患痢疾者多有脾胃先虛而後積滯通滯下劑亦惟酌量斯可矣稍有過之遂至虛脫難收桑榆



之効蓋有由焉古今醫統

張介賓曰痢疾之病多病於夏秋之交古法相傳皆謂  
炎暑大行相火司令酷熱之毒蓄積為痢今人所宗皆  
此一說夫痢因於暑而言其為熱豈不宜然炎熱者  
天之常令也當熱不熱必反為災因熱貪涼者人之常  
事也過食生冷所以致痢多見人之慎疾者雖經盛暑  
不犯寒涼則終無瀉痢之患豈其獨不受熱乎此其病  
在寒邪不在暑熱病在人事不在天時從可知矣但胃

強氣實者雖日用水果之類而陽氣能勝故不致疾其  
次之者雖未即病而日用日積迨夫大火流西新涼得  
氣則伏陰內動乘機而起故寒濕得以犯脾者多在七  
八月之間此陽消陰長之徵最易見也再其次者多以  
脾腎本弱則隨犯隨病不必伏寒亦不必待時尤為易  
見夫以生冷下咽瀉痢隨起豈即化而為熱乎奈何近  
代醫流止見此時之天熱不見此人之臟寒但見痢證  
開口便言熱毒反以寒涼治生冷是何異雪上加霜乎



以曾強陽盛  
元氣壯實而  
感傷犯者  
及無之理也  
是亦何說耶

俗見相同死者不可勝言矣或曰然亦有用寒藥而愈者何也曰以胃強陽盛之人而得濕成熱者亦有之以元氣壯實而邪不勝正者亦有之此皆可以寒治而愈亦可以通利而愈而此輩極少以胃弱陽虛而因寒傷臟者此輩極多若再用寒涼或妄加蕩滌則無有不死觀丹溪曰瀉痢一證屬熱者多屬寒者少戴原禮曰以酷熱之毒至秋陽氣始收火氣下降因作滯下之證皆大謬之言也不可信之

景岳全書

張璐曰及觀先輩論痢並以白沫隸之虛寒膿血隸之濕熱至守真乃有赤白相兼者豈寒熱俱甚於腸胃而同為痢之說丹溪從而和之遂有赤痢從小腸來白痢從大腸來皆濕熱為患此論一出後世咸為痢皆屬熱恣用苦寒攻之蒙害至今未已即東垣之聖於脾胃者猶言濕熱之物傷於中而下膿血宜苦寒以疏利之膿血稠粘數至圓而不能便脈洪大有力者下之亦認定膿血為熱曷知血色鮮紫濃厚者信乎屬熱若瘀晦稀



淡或如瑪瑙色者為陽虛不能制陰而下非溫理其氣  
 則血不清理氣如爐治分金最為捷法設不知此際行  
 疏利之法使五液盡隨寒降而下安望其有寧止之日  
 哉張氏醫通

論曰痢之一證諸論紛紛蓋古醫之昏昏在赤白分  
 冷熱而至于施治則疏滌為多矣劉完素醫中之傑一  
 出發明啾啾乎白非冷之說而偏于為熱朱震亨亦是  
 劉之說差有解語李杲亦認定膿血為熱此三代於痢

疾為善自昭昭也如楊士瀛曰不可遠用訶黎勒罌粟  
 殼肉芫荳白朮又母繁曰無積不成痢陳言曰以寒熱  
 疳蠱分四門未為至當劉純曰治痢當從仲景河間之  
 法俱為一得有益於治事故舉示焉後醫之昏昏在強  
 辨寒熱妄陷過鑿如徐春甫張介賓張璐是也其謂今  
 醫治痢峻用下劑及苦寒破滯太過鮮不以為後艱且  
 今世人之患痢者多有脾胃先虛而後積滯或謂伏陰  
 內動乘機而起故寒濕得以犯脾者多在七八月之間



以胃弱陽虛而因寒傷臟者此輩極多或謂後世成爲痢皆屬熱恣用苦寒攻之蒙害至今未已陽虛不能制陰而下非溫理其氣則血不清類緊皆畏惡疏滌好愛補佳巧語甘言全是薄俗之媚說也其他強辨之黠徒如喻昌馮兆張亦皆無出此列况下之者乎何足以論哉

又有痢後肛門痛醫書多稱大孔痛

按本草綱目訶黎勒條引大明云患痛人肛門急痛和

蠟燒烟熏之及煎湯熏洗○又按朱震亨治一人年二

十性好酒色奉養過厚適有事多憂恐患瘧發寒熱忽

一日大發熱大便下皆是積滯極臭大孔極痛呻吟不

絕其孔陷入囑付後事予曰此大虛也脉皆弦大而浮

遂以瓦片令敲如銅錢員揉燒紅投入童便中急乘熱

取起令乾以紙裹安痛處其時寒恐外寒乘虛而入也

以人參當歸陳皮作濃湯飲之食淡味至半月而安○

又孫一奎曰又有用瓦片燒紅投入槐花湯照上用者



又久下赤白大孔痛不可忍炒鹽熨之又炙枳實熨之  
赤水 玄珠 ○徐春甫曰仲景治肛痛一曰溫之一曰清之  
醫 今按仲景元無此語徐失考究

又有脫肛者此由重下甚也如小兒痢更多有此證以其  
體軟而未固也須考脫肛門施治

附字辨

痢即利之疾也本是利字以混通利字加疒以別之也始  
稱下利後加疒作赤痢又省赤字單曰痢耳而正字通赤

為俗字非也痢亦俗字故說文無之與赤何異故康熙字  
典引集韻音下痢疾也。可以見也。李挺曰痢者利也法當  
利下耳亦非也。此雖滯下而就其登廁頻數喚做下利但  
以非常快利故加疒頭善稱病狀之實又作臍瘳並非也  
按劉熙釋名云下重而赤白曰臍言厲臍而難也然考諸  
字書臍元同臍大腹也說文玉篇不載唯字彙云與瘳同  
久痢也康熙字典云廣韻同瘳又按瘳玉篇云竹世切牛  
頭病康熙字典作半又赤白痢音帶瘳下病也洪武正韻



字彙正字通俱云久痢也。又字彙正字通並云下重而赤。白曰瘧。又音帶。赤瘧白瘧。婦人下部病亦單作帶。蓋諸書由滯下與帶下至相近。故誤矣。究竟臍瘧二字非痢事。決不可用也。夫滯下者。元由雖利下數行而停滯不輒下。故謂滯下耳。非由帶字明矣。若从月从疒。以為滯義不通。殊甚。

行餘醫言卷之二十二下畢

三都

書肆

- 江戶日本橋通一丁目 須原屋茂兵衛
- 同淺草茅町中町 須原屋伊八
- 大坂心齋橋安堂寺町西天 秋田屋太右衛門
- 同博勞町角 河内屋茂兵衛
- 同北久太郎町北入 河内屋喜兵衛
- 同五條橋通塚町西入 丁子屋定七



